



DET KONGELEGE KOMMUNAL- OG MODERNISERINGSDEPARTEMENT

Hordaland fylkeskommune
Postboks 7900
5020 BERGEN

Dykkar ref

Vår ref

Dato

17/2656-19

10. november 2017

Svar på spørsmål om forholdet mellom ferjeavløysingsordninga og bompengefinansiering

Vi viser til e-post frå Hordaland fylkeskommune v/Bjørn Inge Midtgård av 5. oktober 2017, med spørsmål om forholdet mellom ferjeavløysingsordninga og bompengefinansiering.

Kommunal- og moderniseringsdepartementet og Samferdselsdepartementet legg til grunn at fylkeskommunane ikkje skal få dobbel kompensasjon for dei same kostnadene gjennom ferjeavløysingsordninga og andre ordningar. Meirverdiavgiftskompensasjonen blir derfor trekt ut av berekningsgrunnlaget når lengda på utbetalingsperioden skal fastsetjast (jf. punkt 5.4.2 i retningslinjene).

Departementa har no presisert at tilsvarende gjeld for eit eventuelt finansieringsbidrag frå bompengar, jf. nytt punkt 5.4.3 i retningslinjene:

Fylkeskommunen kan ikkje få dobbel kompensasjon for dei same byggjekostnadene gjennom både ferjeavløysingsmidlar og bompengeordninga. For prosjekt som omfattar bompengefinansiering, vil finansieringsbidraget frå bompengar bli trekt frå byggjekostnadene ved fastsetjing av berekningsgrunnlaget.

Departementa har også presisert at eventuelle bompengeinntekter ikkje kan nyttast til å betale renter på lån teke opp med ferjeavløysingsmidlar, jf. nytt punkt 5.4.4 i retningslinjene:

Ferjeavløysingsmidlane kan berre betalast ut til fylkeskommunen, og ikkje til eit eventuelt bompengeselskap. Bompengeinntekter kan ikkje nyttast til å dekkje rentekostnader på lån som bompengeselskapet ikkje sjølv har teke opp og står ansvarleg for. Bompengeinntekter kan derfor ikkje nyttast til å betale renter på lån teke opp av fylkeskommunen på grunnlag av ferjeavløysingsmidlar.

Postadresse
Postboks 8112 Dep
0032 Oslo
postmottak@kmd.dep.no

Kontoradresse
Akersg. 59
www.kmd.dep.no

Telefon*
22 24 90 90
Org no.
972 417 858

Avdeling
Kommunalavdelinga

Saksbehandlar
Lars Tore Rydland
22 24 68 80

Denne presiseringa følgjer av etablert praksis for bruk av bompengar, som er at bompengeselskapet ikkje har kostnadsansvar for renter på lån det ikkje sjølv har teke opp og står ansvarleg for. Sidan ferjeavløysingsmidlane ikkje kan betalast ut til andre enn fylkeskommunen, er det fylkeskommunen som må stå ansvarleg for lån som blir betalt med desse midlane.

Alle fylkeskommunar blir orientert om desse presiseringane i retningslinjene i eit eige brev.

Vi presiserer òg at retningslinjene ikkje stiller noko krav om at det skal vere delvis bompengefinansiering av ferjeavløysingsprosjekt. Det er opp til fylkeskommunen å vurdere om ein vil søkje om både bompengar og ferjeavløysingsmidlar for å finansiere vegprosjektet.

Med helsing

Grete Lilleschulstad (e.f.)
underdirektør

Lars Tore Rydland
seniorrådgjevar

Dokumentet er signert elektronisk og har derfor ikkje handskrive signaturar

Kopi

Samferdselsdepartementet

Bjørn Inge Midtgård

Fra: Bjørn Inge Midtgård
Sendt: 5. oktober 2017 11:09
Til: lars-tore.rydland@kmd.dep.no
Kopi: 'Namtvedt Dag'
Emne: Forholdet mellom ferjeavløsingstilskottet og delvis bompengefinansiering

Viktighet: Høy

Hei, vi held på med å snekra saman eit finansieringsopplegg for ferjeavløysing for Masfjordsambandet. I denne samanhengen skulle vi gjerne hatt nokre avklaringar om forholdet mellom ferjeavløysingsmidlar og bompengar. I pkt. 4.5 i retningslinjene står det at «*Viss prosjektet omfattar bompengefinansiering, skal bompengesøknad og søknad om ferjeavløysingsmidlar sendast Statens vegvesen i same sak.*» Dette tolkar vi som om det er valfritt, ikkje obligatorisk om fylkeskommunen vil nytta bompengar i prosjektet. Om prosjektet kan finansierast utan bruk av bompengar er det ikkje noko i vege for det.

I retningslinjene er det presisert i 5.4 at det er byggekostnadene som skal leggest til grunn i berekninga av lengda på utbetalingsperioden.

Kan dep. stadfesta at eventuelle bompengar ikkje vert trekt frå i berekningsgrunnlaget, at det ikkje skjer ei innkorting i tilskottet om ein legg opp til delvis bompengefinansiering av sambandet?

Med helsing

Bjørn Inge Midtgård

Seniorrådgjevar

Samferdselsavdelinga | transportplanseksjonen



Tlf: 55 23 94 19 | Mob: 41685134

www.hordaland.no